

Ove Uslove donio je Upravni odbor Mikrofin osiguranja a.d Banja Luka na sjednici održanoj 26.04.2022. na osnovu člana 304. Zakona o privrednim društvima (Sl.glasnik R.Srpske broj 127/08 i 58/09) i odredaba Statuta Osiguravajućeg društva Mikrofin osiguranja a.d Banja Luka (u daljem tekstu: Društvo), i saglasno Mišljenju ovlašćenog aktuara.

Uslovi za obavezno osiguranje vlasnika plovila na motorni pogon od odgovornosti za štetu prouzrokovanu trećim licima

UVODNE ODREDBE

U ovim Uslovima za obvezno osiguranje vlasnika plovila na motorni pogon od odgovornosti za štete nanese trećim licima (u daljnjem tekstu: Uslovi) znači:

- 1) Osiguravač – društvo za osiguranje s kojim je zaključen ugovor o osiguranju;
- 2) Ugovarač osiguranja – lice koje je s osiguravačem zaključilo ugovor o osiguranju;
- 3) Osigurani – vlasnik plovila odnosno lice čiji je imovinski interes osiguran;
- 4) Osigurani rizik – građanskopravna odgovornost osiguranika prema trećem oštećenom licu;
- 5) Osigurani slučaj – ostvareni rizik koji može dovesti do postavljanja odštetnog zahtjeva prema osiguraniku i/ili osiguravaču;
- 6) Korisnik – svako fizičko ili pravno lice koje voljom vlasnika stvarno raspolaže plovilom;
- 7) Iznos osiguravajućeg pokrivača – iznos do kojeg je osiguran imovinski interes;
- 8) Premija osiguranja – iznos koji ugovarač osiguranja plaća na osnovu ugovora o osiguranju;
- 9) Polisa osiguranja – isprava o ugovoru o osiguranju;
- 10) Plovilo – plovni objekt namijenjen za plovību a čija ukupna snaga potisnih strojeva prelazi 15kW koja se u skladu sa propisima o registraciji plovila upisuju u odgovarajući registar;
- 11) Zakon – Zakon o obaveznim osiguranjima u saobraćaju (Službeni glasnik Republike Srpske br. 82/15 i 78/20).

OBIM POKRIĆA I OSIGURANA SUMA

Član 1.

- (1) Osiguravač je na osnovu ugovora o osiguranju vlasnika plovila na motorni pogon od odgovornosti za štetu prouzrokovanu trećim licima u obavezi nadoknaditi štetu koju je vlasnik odnosno korisnik upotrebom plovila nanio trećim licima zbog smrti, tjelesne povrede ili narušavanja zdravlja. Trećim licima iz stava (1) ovog člana ne smatraju se lica koje se nalaze na plovilu kojim je prouzrokovana šteta, kao i članovi posade koji upravljaju plovilom na motorni pogon.
- (2) Obavezu osiguravača iz ugovora o osiguranju predstavlja osigurana suma važeća na dan štetnog događaja, ako ugovorom o osiguranju nije određena viša osigurana suma.
- (3) Važeća osigurana suma je suma određena prema članu 48. Zakona o obaveznim osiguranjima u saobraćaju.

ISKLUČENJA IZ OSIGURANJA

Član 2.

- (1) Odgovarajuće se primjenjuju odredbe člana 27. Zakona.
- (2) Po osnovu osiguranja od odgovornosti vlasnika plovila isključeni su odštetni zahtjevi:
 - 1) Lica koja su upravljala plovilom kojim je prouzrokovana šteta te njegovi srodnici i druga fizička ili pravna lica u pogledu štete zbog smrti ili tjelesne povrede lica koje je upravljalo plovilom,

- 2) Oštećene lica kojoj je šteta nastala:
- zbog upotrebe plovila na sportskim priredbama, a kojih je cilj postizanje najveće ili najveće prosječne brzine, odnosno na vježbama za te priredbe,
 - zbog djelovanja nuklearne energije za vrijeme prijevoza radioaktivnog materijala,
 - zbog ratnih operacija, pobuna ili terorističkog čina, s tim da društvo za osiguranje u tom slučaju mora dokazati da je šteta prouzrokovana takvim događajem.

GUBITAK PRAVA IZ OSIGURANJA

Član 3.

- (1) Odgovarajuće se primjenjuju odredbe člana 28. stav (1) tačke 1) do g7 Zakona u kojim slučajevima osiguranik gubi svoja prava iz osiguranja.
- (2) Osiguranik gubi svoja prava iz osiguranja:
- 1) Ako je u vrijeme nezgode, lice koje je upravljalo osiguranim plovilom bilo pod uticajem alkohola ili pod uticajem opojnih droga te psihoaktivnih lijekova ili drugih psihoaktivnih materija:
 - a) ako se analizom krvi ili drugom metodom mjerenja količine alkohola u organizmu lica koje je upravljalo plovilom utvrdi da udio alkohola u krvi iznosi 0,3 g/kg i više (0,3‰ i više);
 - b) ako se lice koje je upravljalo plovilom nakon nezgode odbija podvrci ispitivanju alkoholiziranosti ili utjecaja opojnih droga te drugih opojnih sredstava.
 - 2) Ako plovilo nije korišteno u svrhu kojoj je namijenjeno.
 - 3) Ako lice koje je upravljalo osiguranim plovilom nije imalo važeću dozvolu odgovarajuće vrste ili kategorije.
 - 4) Ako je lice koja je upravljalo osiguranim plovilom prouzrokovalo štetu namjerno ili zbog krajnje nepažnje.
 - 5) Ako je šteta nastala zbog toga što plovilo nema valjanu ispravu o sposobnosti za plovību.

OBAVEZE OSIGURANIKA

Član 4.

- (1) Osiguranik je u obavezi pomagati osiguravaču u rješavanju pitanja odgovornosti. Stoga je dužan u roku od 3 (tri) dana od dana saznanja za štetni događaju dati istinite i iscrpne podatke o toku nezgode i njenim okolnostima.
- (2) Ako je protiv osiguranika ili lica za koje on odgovara postavljen odštetni zahtjev, podnijeta tužba za naknadu štete, postavljen građansko-pravni zahtjev ili stavljen prijedlog za osiguranje dokaza, obavezan je u roku iz prethodnog stava koji počinje teći od zaprimanja navedene dokumentacije bez odlaganja o tome obavijestiti osiguravača i dostaviti mu sva pismena koja sadrži odnosni odštetni zahtjev.
- (3) Osiguranik je u obavezi obavijestiti osiguravača o pokretanju parnice iz prethodnog stava kako bi se osiguravač mogao umiješati u parnicu na strani osiguranika. Vođenje parnice osiguranik može prepustiti osiguravaču.
- (4) Osiguranik je dužan obavijestiti osiguravača o postojanju odštetnog zahtjeva.
- (5) Ugovarač osiguranja odnosno osiguranik dužan je sve obavijesti koje upućuje osiguravaču pismeno potvrditi.
- (6) Za vrijeme trajanja osiguranja ugovarač osiguranja obavezan je obavijestiti osiguravača o promjeni imena/naziva i promjeni prebivališta/ sjedišta.

OBAVEZE OSIGURAVAČA

Član 5.

- (1) Osiguravač je dužan podmiriti osnovane zahtjeve u zakonskim rokovima te voditi brigu o zaštiti osiguranika od neutemeljenih ili pretjeranih odštetnih zahtjeva trećih lica. Ako osiguravač povrijedi ovu obavezu, dužan je osiguraniku nadoknaditi štetu.
- (2) Osiguravač je ovlašten da u ime osiguranika daje sve izjave koje su prema njegovom mišljenju potrebne zbog naknade štete ili zbog zaštite od neutemeljenih ili pretjeranih zahtjeva.
- (3) Osiguravač zadržava pravo na odbijanje ponude za zaključenje ugovora o osiguranju, odnosno pravo na jednostrani raskid ugovora o osiguranju i/ili zamrzavanje sredstava ukoliko su ugovarač osiguranja ili s njim povezana lica evidentirana na međunarodnim popisima uspostavljenima radi sprječavanja finansiranja terorizma.

TERITORIJALNA VAŽNOST OSIGURANJA

Član 6.

- (1) Osiguravačno pokriće se pruža za plovību teritorijalnim morem, unutrašnjim morskim vodama i unutrašnjim vodama Republike Bosne i Hercegovine, ako nije drugačije ugovoreno.

POČETAK I PRESTANAK OSIGURAVAJUĆEG POKRIĆA

Član 7.

- (1) Obaveza osiguravača iz ugovora o osiguranju počinje teći u 00:00 sati dana koji je u ugovoru o osiguranju naveden kao početak osiguranja, ako je do tog datuma plaćena premija ili prvi rata premije, odnosno nakon isteka 24-tog sata dana kada je premija ili njena prva rata plaćena, ako nije drugačije ugovoreno.
- (2) Obaveza osiguravača prestaje po isteku 24-tog sata dana koji je u ugovoru o osiguranju naveden kao dan isteka osiguranja, ako nije drugačije ugovoreno.

UTVRĐIVANJE PREMIJE

Član 8.

- (1) Premija obaveznog osiguranja od odgovornosti vlasnika plovila na motorni pogon od odgovornosti za štetu nanese trećim licima utvrđuje se za svaku godinu osiguranja posebno na osnovu Tarife premija osiguravača važeće na datum izdavanja polise za pojedinu godinu osiguranja.

PLAĆANJE PREMIJE

Član 9.

- (1) Prvu ili jednokratnu premiju ugovarač osiguranja plaća u momentu izdavanja polise, a svaku sljedeću premiju prvog dana nakon svakog razdoblja osiguranja, ako nije drugačije ugovoreno.
- (2) Ugovarač osiguranja šalje premiju osiguravaču na svoj rizik i o vlastitom trošku.

VRAĆANJE PREMIJE

Član 10.

- (1) U slučaju odjave plovila zbog uništenja, rashodovanja, stavljanja izvan prometa (mirovanja) ili krađe plovila, osiguravač je u obvezi na zahtjev ugovarača osiguranja vratiti neiskorišteni dio premije od dana uništenja odnosno od dana primitka otkaza osiguranja, ako se do tada nije ostvario osigurani slučaj.
- (2) Prilikom obračuna neiskorištenog dijela premije prema prethodnom stavu, primjenjuje se tarifa premija koja je važila na dan ugovaranja osiguranja.

PROMJENA VLASNIKA PLOVILA

Član 11.

- (1) Ako se za vrijeme trajanja osiguranja promijeni vlasnik, prava i obaveze iz ugovora o osiguranju od odgovornosti prenose se na novog vlasnika i traju do isteka tekućeg osiguravačnog razdoblja.

PISANI OBLIK

Član 12.

- (1) Smatra se da je ugovor o osiguranju valjan ako je zaključen u pisanom obliku te ako su ugovaraču osiguranja uručeni ovi Uslovi te polisa osiguranja.
- (2) Svi izvještaji i izjave koje se daju na osnovu ugovora o osiguranju moraju biti date u pisanom obliku.

RJEŠAVANJE SPOROVA MIRNIM PUTEM

Član 13.

- (1) Ugovorne strane su saglasne da će sve sporove proizašle iz ovog ugovora nastojati rješavati mirnim putem.
- (2) Ugovarač osiguranja i osiguranik saglasni su da će o svim spornim stvarima, pritužbama/prigovorima i nesporazumima proizašlim iz odnosa s osiguravačem obavijestiti osiguravača bez odgađanja.
- (3) Obavijesti iz stava (2) ovog člana strane dostavljaju u pisanom obliku, iz kojeg se sa sigurnošću može razaznati sadržaj obavijesti, potpis podnosioca obavijesti i vrijeme slanja obavijesti.
- (4) Osiguravač će zaprimljenu pritužbu/prigovor iz stava (2) ovog člana uputiti Komisiji za pritužbe/prigovore. Odgovor Komisije dostavlja se u pisanom obliku bez odgađanja, a najkasnije u roku od osam (8) dana od dana zaprimanja pritužbe/prigovora, a izuzetno, kada se odgovor ne može dati unutar navedenog roka, obavijestiti će podnositelja pritužbe/prigovora o razlozima kašnjenja i naznačiti kada će postupak vjerovatno biti dovršen i kada će biti odgovoreno na pritužbu/prigovor.
- (5) Ukoliko spor nije riješen u vansudskom postupku kod osiguravača, svaka od stranaka u sporu može predložiti drugoj strani pokretanje postupka mirenja pri instituciji Ombudsmana u osiguranju Agencije za osiguranje Republike Srpske ili drugoj organizaciji za mirenje.
- (6) Prijedlog za mirenje dostavlja se instituciji Ombudsmana u osiguranju Agencije za osiguranje Republike Srpske ili drugoj organizaciji za mirenje u pisanom obliku.

NADLEŽNOST U SLUČAJU SUDSKOG SPORA

Član 14.

U slučaju spora između ugovarača osiguranja odnosno osiguranika i osiguravača, nadležan je stvarno nadležni sud prema mjestu zaključenja ugovora o osiguranju.

Član 15.

Ovi Uslovi stupaju na snagu danom donošenja i primjenjuju se po dobijanju Rješenja o dozvoli za rad od Agencije za osiguranje.

MFO-122-309

**PREDSJEDNIK
UPRAVNOG ODBORA**